

EAST ASIAN LIBRARY  
RM 8049 ROBARTS LIBRARY  
UNIVERSITY OF TORONTO  
TORONTO, CANADA M5S 1A5

漢魏六朝百三家集

漢東

張河間

第十一冊







張河間集卷之二

漢南陽張衡著

明太倉張溥校

賦

南都賦

南都爲光武舊里以置都焉  
桓帝時欲廢之衡作賦以諷

於顯樂都、旣麗且康、陪京之南、居漢之陽、割周  
楚之豐壤、跨荆豫而爲疆、體爽塏以閑敞、紛郁  
郁其難詳、爾其地勢、則武闕關其西、桐栢揭其  
東、流滄浪而爲隍、廓方城而爲墉、湯谷涌其後、







盤紆芝房菌蠢生其隈、玉膏溶溢流其隅、崑崙  
無以多、閭風不能踰、其木則檉松楔櫟、慢栢杻  
檀、楓桺、櫨帝女之桑、楸枿、枿、栢、櫨、結  
根踈本、垂條嬋媛、布綠葉之萋萋、敷華藻之蓁  
蓁、立雲合而重陰、谷風起而增哀、攢立叢駢、青  
冥肝瞑、杳藹鬱於谷底、森蓊蓊而刺天、虎豹  
黃熊游其下、穀獵猱狔戲其巔、鸞鸞鵠雛翔其  
上、騰援飛翺棲其間、其竹則鐘籠、篴篥、篠簞、箛  
箏、緣延、坻坂、澶漫、陸離、阿那、蓊茸、風靡雲披、爾



其川瀆則渚澧灤灇發源岩穴潛厝洞出沒滑  
漑滴布濩漫汗漑沅洋溢總括趣欻箭馳風疾  
流湍投濺粉汎輶軋長輪遠逝溲淚洩汨其水  
蟲則有蠓龜鳴虵潛龍伏螭鱣鱣鰓鰓鰓鰓  
螭巨蚌函珠蛟蝦委蛇其陂澤則有鉗盧玉池  
赭陽東陂貯水渟滂亘望無涯其草則有蘼葑  
蘋莞蔣蒲蒹葭藻茆菱芡芙蓉含華從風發榮  
菲披芬葩其鳥則有鴛鴦鵠鷺鴻鵠鴛鴦鵠鷺  
鵠鵠鵠鵠鵠鵠鵠鵠鵠鵠鵠鵠鵠鵠鵠鵠鵠鵠鵠鵠



竇灑流浸彼稻田。溝澮脉連堤塍相轄。朝雲不  
興而潢潦獨臻。決渫則曠爲漑爲陸。冬稔夏穰  
隨時代熟。其原野則有桑漆麻苧菽麥稷黍百  
穀蕃廡翼翼與與若其園圃則有蓼葳蕤荷諸  
蔗薑藟荇蔘芋瓜乃有櫻梅山柿侯桃梨栗棗  
棗若榴穠橙鄧橘其香草則有薜荔蕙若薇蕪  
蓀萋晻曖芬蔚含芬吐芳若其厨膳則有華薌  
重秬滄臯香秬歸雁鳴鷄黃稻鱸魚以爲芍藥  
酸甜滋味百種千名春卵夏筍秋韭冬菁蘇菽



紫薑拂徹羶腥酒則九醞甘醴十旬兼清醪敷  
徑寸浮蟻若萍其甘不爽醉而不醒及其糾宗  
綏族禴祠蒸嘗以速遠朋嘉賓是將揖讓而升  
宴于蘭堂珍羞琅玕充溢圓方琢琬狎獵金銀  
琳琅侍者蠱媚巾幘鮮明被服雜錯履躡華英  
環才齊敏受爵傳觴獻酢既交率禮無違彈琴  
操籥流風徘徊清角發徵聽者增哀客賦醉言  
歸主稱露未晞接歡宴於日夜終愷樂之令儀  
於是暮春之禕元巳之辰方軌齊軫祓于陽陂



朱帷連網、曜野映雲、男女姣服、駱驛繽紛、致飾  
程蠱、僂紹便娟、微眊流睩、蛾眉連卷、於是齊僮  
唱兮、列趙女、坐南歌、今起鄭舞、白鶴飛、今繭曳  
緒、修袖繚繞而滿庭、羅襪躡蹠而容與、翩緜緜  
其若絕、眩將墜而復舉、翹遙遷延、蹶躑躑蹻、結  
九秋之增傷、怨西荆之折盤、彈箏吹笙、更爲新  
聲、寡婦悲吟、鵲鷄哀鳴、坐者悽歔、蕩冤傷精、於  
是群士放逐、馳乎沙塲、駉驥齊鑣、黃閒機張、足  
逸驚飈、鏃析毫芒、俯貫魴鱖、仰落雙鷁、魚不及



竄鳥不暇翔爾乃撫輕舟兮浮清池亂北渚兮  
揭南涯汰滌滌兮船容裔陽侯澆兮掩鳧鷖追  
水豹兮鞭蜎蜎憚夔龍兮怖蛟螭於是日將逮  
昏樂者未荒收歡命駕分背迴塘車雷震而風  
厲馬鹿超而龍驤夕暮言歸其樂難忘斯乃游  
觀之好耳目之娛未覩其美者焉足稱譽夫南  
陽者真所謂漢之舊都也遠世則劉后甘厥龍  
醢視魯縣而來遷奉先帝而追孝立唐祀於堯  
山固靈根於夏葉終三代而始蕃非純德之宏



圖孰能揆而處旃。近則考侯思故。匪居匪甯。穢  
長沙之無樂。厯江湘而北征。曜朱光於白水。會  
九世而飛榮。察茲邦之神偉。啓天心而寤靈。於  
是宮室。則有園廬舊宅。隆崇崔嵬。御房穆以華  
麗。連閣煥其相徽。聖皇之所逍遙。靈祇之所保  
綏。章陵鬱以菁蔥。清廟肅以微微。皇祖歆而降  
福。彌萬祀而無衰。帝王臧其擅美。詠南音以顧  
懷。且其君子。弘懿明叡。允恭溫良。容止可則。出  
言有章。進退屈伸。與時抑揚。方今天地之睢刺。



帝亂其政豺虎肆虐真人革命之秋也爾其則  
有謀臣武將皆能攫戾執猛破堅摧剛排捷陷  
肩蹴蹈咸陽高祖階其塗光武攬其英是以關  
門反距漢德久長及其去危乘安視人用遷周  
召之儔據鼎足焉以庀王職縉紳之倫經綸訓  
典敷納以言是以朝無闕政風烈昭宣也於是  
乎鯢齒眉壽鮐背之叟皤皤然被黃髮者喟然  
相與歌曰望翠華兮歲蕤建太常兮袞袞駟飛  
龍兮駢駢振和鑾兮京師總萬乘兮徘徊按平



路兮來歸。豈不思天子南巡之辭者哉。遂作頌曰。皇祖止焉。光武起焉。據彼河洛。統四海焉。本支百世。位天子焉。永世克孝。懷桑梓焉。真人南巡。覩舊里焉。

週天大象賦

垂萬象乎列星。仰四覽乎中極。一人爲主。四輔爲翼。鈎陳分司。內座齊飾。華蓋於是乎臨映。大帝於是乎游息。尚書諮謀以納言。柱史記私而奏職。女史掌彤管之訓。御宮揚翠娥之色。陰德



周給乎其隅。大理詳讞乎其側。天柱司晦朔之序。六甲候陰陽之域。其文煥矣。厥功茂哉。環藩衛以曲列。儼闔闔之洞開。北斗標建車之象。移節度而齊七政。文昌制戴筐之位。羅將相而枕三台。闢天床於玉闕。乃宴休之攸御。肅天理於璇璣。執威權而是預。天搶天掄以相指。內厨內階而分據。雙三夾斗而熒諧。爾乙賓門而佐助。爾乃天牢崇圉。設禁暴之隄防。太尊明位。擬聖公之寵章。太陽接相。以班跡立。戈撥杓而耀芒。



勢微微而有象，輔熠熠而流光。薦秋成於八穀，務春採於扶筐。天厨厥今，供百宰，傳舍開兮通四方。偉天官之繁縟，立䟽廟之隆崇。何太角之皎皎，夾攝提之融融。七宿畫野以分區，五宮立都而對雄。旣以厯於中宮，乃回眸而顧東觀。角尤於黃道，包分野於營中。開天門之燦耀，揖進賢之雍容。是推紀於變節，是正綱於大同。其次則梗河備預，招搖候敵。泛舟亢池，飛觴帝席。周鼎毓神，天田豐籍。按三條於平道，賓萬國於天



門置平星以決獄列騎官而衛閘陽門守於邊  
險折威防於將奔頡頏司於五聽車騎參於八  
屯望南門之峻關覲庫樓之城府偃蹇列於四  
衡的厯分於五柱或藏兵而蓄銳或重扃而禦  
侮煥蒼龍之中宿矚氏心以及房聽朝路寢布  
政明堂爰俾其地于宋之疆粵若太火赫然天  
王鈎鈐儼於鳳闕積卒穆於龍驤天輻備於舉  
輦鍵閉守於關梁騎陣啓將軍之位從官主巫  
醫之職罰作贖刑日爲陽德二咸防非而體正



七公議賢而糾慝，陣車雷擊乎其南。天乳露茲，  
乎其北。彼貫索之爲狀，實幽圉之取則。厯龍尾  
以及箕，騁北燕而在茲。配四妃而有序，均九子  
以延慈。龜曳尾而波泳，魚張鱗而水嬉。天江爲  
太陰之主，傳說奉中閭之祠。糠爲簋，揚之物，杵  
爲舂。臼之用，天鑰司其啓閉。丈人存其播種，狗  
以吠盜。奸回靡縱，却睇女床。前瞻天紀，耀棘庭  
之金印。粲椒宮之玉齒，中有崇垣。厥名天市，車  
肆中衢。以連屬市樓，臨箕而鬱起。帝座類候而



獨尊侯臣光熙而燮理宗星派踈而遠集宦者  
刑餘而近侍列肆與屠肆分行宗正與宗人同  
峙帛度立象以量用斗斛裁形而取擬若乃脍  
北宮於玄武泊南斗而牽牛賦象通犧廟之類  
司域應江淮之洲建星含曜於黃道天弁寫映  
於清流河鼓進軍以嘈噴兩旗夾道以飛浮天  
淵委輸於南海狗國分權於北幽鷄揚音而顧  
侶鼉躍影而來遊天田臨於九坎羅堰逼於天  
桴是司溝洫是制田疇遂聳睇於漢陽乃攸窺



於織女、引寶觚、固搖機弄杼、輦道清塵而俟駕、  
漸臺飛灰而候侶、可以嬉遊、可以臨處、瞻須女  
之繒室、奄開邦於會稽、離珠耀珍於藏府、匏瓜  
薦菓於宸閨、离瑜佩瓊而衒服、瓜委蔓以分畦、  
其外鄭越開國、燕趙鄰境、韓魏接連、齊秦悠永、  
周楚列曜、晉代分罔、天津橫漢以摘光、奚仲臨  
津而沉影、旣編梁以虹構、亦裁輪而電警、列虛  
危於齊濟、賦悲哀與宗廟、墳墓寫狀以孤出、哭  
泣含聲而相召、敗臼察災而揚輝、天壘守夷而



駢照司命與司祿連彩司危與司非疊耀伺禍  
福之多端總興亡之要妙人掌詔以優游儼爲  
人之質鈞主震而屈曲宛如鈞之象車府息雷  
輶之聲造父曳風鑾之響杵軍給以標正曰年  
豐而示仰士吏設備以司存斧鉞用誅之所掌  
虛梁闌寂以幽閑蓋屋喧轟而宴賞天錢納賁  
以山積天網憇輿而野饗北落置候兵之門八  
魁建張禽之網瞻廟府於室壁諒有衛之封畿  
布離宮之皎皎散雲雨之霏霏霹靂交震雷電



橫飛，壘壁寫陣而齊影，羽林分營而折暝。土公  
司築而開務，天廐飛御而起機，騰蛇宛而成質。  
水出總而攸歸，動則飛躍於雲外，止則盤縈於  
漢沂。迤奎婁之分野，辨鄒魯之川陸，豢馴獸於  
囿苑，隸封豕於溝瀆。左更處東而掌虞，右更居  
西以司牧，立囷倉之儲聚，樹溷屏之重復。司空  
主土以搜祥，鈇鑕縈蒔而薦畜，軍南門列轅而  
遠出。天將軍揚旗而示逐，伊王良之策馬，則車  
騎之滿野。蒙居河而路塞，策裁鞭而電寫，閭道



優游而據中附路脩闕而居下自胃倉而昂畢  
實趙地之交衢建旄頭而肅引畢罕車而迅驅  
卷舌則天讒之表附耳屬天高之隅天高望氣  
天讒脩巫捲舌安其寂默附耳矜其諂諛天船  
泛影乎清瀨貯積水而窺害太陵分光乎耀虛  
包積尸而如帶礪石資乎鋸刃月宿歸乎太陰  
天街畫於戎野天阿察於山林天節宣威於邦  
域天陰進謀於腹心天庾積粟以示稔天廩脩  
稷以所歆天園曲列今儲芳樹天苑圓開今畜



異禽芴藁遵納桔之軌殊國曉重譯之音九旂  
排鋒以進退軍井依營而淺深天關嚴扃於畢  
野諸王列藩於漢潯何五車之均明而三柱之  
照煥納五兵於藏府圖七國之邦貫天潢利涉  
以淪漣咸池浮中而渺漫闢岷峨之沃壤晞觜  
參之曜形示斬刈以明罰收褒旅而獲甯參旗  
懾於邊寇玉井通於水經座旗肅穆以昭禮司  
恠幽求而發冥屏嫌於客厠咎於圉亦有天屎  
質黃効靈於是仰東井之輿鬼覽西秦之伯邑



質明祀而變生，鉞淬水而刑及，四瀆斷江淮之  
候，兩河占胡越之域，水位瀉流而迅奔，天樽奠  
饌而翕集，軍市通貨以圓綴，五侯疑議而衡立，  
積水醞燕酌之勞，積薪備牲庖之結，野雞俟兵  
而據市，天狗吠盜而映漣，闕邱擬乎兩觀，水府  
司乎百川，狼援戈而野戰，弧屬矢而承天，老人  
祚主而秋煥，丈人通臣而夜懸，子扶尊而眇邈，  
孫孕緒而連綿，惟天社之赫若，實勾龍之神焉，  
爰觀柳以及張，知周疆之爰啓，儼味頸以分噍。



奉滋嘗而賜醴，觀夫軒轅之宮，宛若騰蛇之體。  
交雷雨之靄靄，列后妃之濟濟，酒旗緝醖以承  
歡，內平繩愆而執禮，燿含烽而喋冠，實防邊之  
有俟，長垣崇司域之脩，少微彰處士之懿，外厨  
調列膳之滋，天相居大臣之位，天紀錄禽而獻  
齒，天廣嚴祠而毓粹，天稷播五稼之勤，東甌表  
三夷之類，爰周翼軫，厥土惟荆，驅風驛之千乘，  
奏雲門之六英，長沙明而獻壽，車轄朗而陳兵，  
青邱廕於韓貊，器府總於琴笙，軍門坐甲於軍



闔司空掌土於司平，矚太微之崢嶸，啓端門之  
赫奕，何宮庭之宏敞，類乾坤之闔闢，五座參一  
帝之謀，九卿踵三公之跡，儲以太子，參之幸臣，  
從官肅侍，謁者通賓，郎將司戟於丹陛，郎位含  
香於紫宸，乃寄屏以持法，控端門之內闔，明堂  
演化，靈臺候神，虎賁之徵猛士，進賢之訪幽人，  
獻淵謀於諸侯，儼營衛於常陳，胡天漢之昭回，  
自東震而綿絡，北賁箕而聯斗，南經說而緯禽，  
合乘津而浮砥，分漂杵而泛閣，厯玉潢以汪洋，



淪七星而依泊、惟木德之含精、爲歲星而明麗、  
雖盈縮所察、禍福攸繫、然而得之者隆、失之者  
替、祚明君而耀朗、罰昏主之光翳、下爲社靈、上  
爲天貴、如天胎而毀卵、具職仁而施惠、迴驚愆  
期、前馳舛契、奮搶掎以示慝、峙樓垣而表戾、粵  
若熒惑、火帝之精、每執法以明罰、必伺災而告  
誠、守其邦而歲戰、去其野而時清、若虧信而廢  
禮、則下乘而上征、居惟釁發、合與憂并、浮天讒  
而聳劍、列蚩尤而耀旌、司危見而失國、昭明出



而起兵伊土宿之播靈爲旗星而耀質尋所履  
爲休慶視所居爲貞吉廣邦繳而斯留復軒宮  
而載出若崇奢而賤義則行虧而度失或含丹  
而舉兵或噉黑而遘疾旬始發而侯起獄漢明  
而主黜被金方之耀色有太白之垂文乃降神  
於屏翳實建象於將軍如用兵而不察匪先達  
之攸聞高出利於深戰順指著乎宏勲苟恩義  
之不溥則禍福之攸分或飛芒而蝕月或引彗  
而橫氛六賊陳災而構祠天狗殺將而破軍咨



太陰之稟粹粵星辰之攸揆乘四仲而顯晦歷  
一周而匝履爲用罰之淵謨爲出師之令軌若  
滯刑而縱欲則委字而流矢白其角而表哀黑  
其規而應水察函劔之相去候正旗之所指非  
其出而夏寒錯其宜而將死於是寃經緯之終  
始徵幽微之機符昭晰兮爲人主之明鑑杳靄  
兮實冥祗之秘樞固聲聞而響集方形移而影  
趨若山石之旌處士谷風之應騶虞者也若夫  
退寒暑而無舛中昏旦而不越畢露雲油箕躔



吹發亦有樞降軒而繞電景瑞堯而麗月雖胎  
響之難窮信靈英之未歇嘉大舜之登禪耀黃  
星而靡鋒壯高祖之遇時聚五緯而相從殷堪  
縱睞識曹公之潛跡李卻流目知漢使之幽蹤  
荆軻入秦白虹貫日衛生設策長庚食昴悲夫  
星隕如雨而周衰彗長竟天而秦滅蛇隨楚而  
九域含嗟狗過梁而千里流血晉君終而婆妖  
見漢帝圍而參暈結周楚滅而南衝晉齊殃而  
北裂自大辰以及漢彰宋焚而衛焚或除舊以



布新顯陳盛而姜絕諒吉凶之有兆匪災譴之  
虛設固罔念而作狂在恭已而成哲是以帝王  
之有天下也莫不分設其官式司其告唐則羲  
和降察夏則昆吾演輿嘉殷巫之美服登周史  
之雅號宋述子韋鄭稱裨竈唐昧與尹臯宜範  
甘德暨石申垂誥故能下守職而恪恭上知變  
而無傲此希夷之妙象豈蒙昧之私好有少微  
之養寂無進賢之見譽參器府之樂肆掌貫索  
之刑書耻附耳之求達方卷舌以幽居且扃扉



而絕駟，柰臨河而羨魚，望天門而屏跡，安知公卿之所如。

溫泉賦

陽春之月，百草萋萋，余在遠行，顧望有懷，遂適驪山，觀溫泉，浴神井，風中巒，壯厥類之獨美，思在化之所原，感洪澤之普施，乃爲賦云。

覽中域之珍，恠兮無斯水之神靈，控湯谷於瀛洲兮，濯日月乎中營，蔭高山之北垠，處幽并以閒清，於是殊方跋涉，駿奔來臻，士女瞠其鱗萃。



紛雜選其如烟，亂曰：天地之德，莫若生兮。帝育  
烝民，資厥成兮。六氣淫錯，有疾癘兮。溫泉汨焉，  
以流穢兮。蠲除苛慝，服中正兮。熙哉帝載，保性  
命兮。

羽獵賦

皇上感天威之繇烈，思太昊之觀虞。虞人表林  
麓而廓萊藪，翦荆梓而夷榛株。於是鳳皇獻曆，  
太僕駕具。蚩尤先驅，兩師清路。山靈護陣，方神  
蹕御。羲和捧轡，弭節西征。翠蓋葳蕤，鸞鳴瓏玲。



山谷爲之澹淡，邱陵爲之簸傾。於是皇輿綢繆，遷延容與，抗天津於伊洛，隻遙集乎南園。大詔獵者，竟逐長驅，輕車颺厲，羽騎電驚，霧合雲集。波流雨注，馬蹂麋鹿，輪駢雉兔，弓不妄彎，弩不虛舉，鳥驚絃羅，獸與矢遇。

思立賦

仰先哲之立訓，今雖彌高而弗違。匪仁里其焉宅，今匪義迹其焉追。潛服膺以永靚，今綿日月而不衰。伊中情之信修，今慕古人之貞節。竦余



身而順止兮，遵繩墨而不跌。志團團以應懸兮，  
誠心固其如結。旌性行以制珮兮，珮夜光與瓊  
枝。繡幽蘭之秋華兮，又綴之以江離。美襞積以  
酷烈兮，允塵邈而難虧。旣姱麗而鮮雙兮，非是  
時之攸珍。奮余榮而莫見兮，播余香而莫聞。幽  
獨守此仄陋兮，敢怠皇而舍勤。幸二八之選虞  
兮，喜傳說之生殷。尚前良之遺風兮，惆後辰而  
無及。何孤行之煢煢兮，予不羣而介立。感鸞鷖  
之特棲兮，悲淑人之稀合。彼無合其何傷兮，患



衆僞之冒真，旦獲譴于群弟兮。啓金滕而乃信，覽蒸民之多僻兮。畏立辟以危身，曾煩毒以迷惑兮。羌孰可與言已，私湛憂而深懷兮。思繽紛而不理，願竭力以守義兮。雖貧窮而不改，執雕虎而試象兮。沾焦原而跟趾，庶斯奉以周旋兮。要旣死而後已，俗遷渝而事化兮。泯規矩之園方，珍蕭艾於重笥兮。謂蕙芷之不香，斥西施而弗御兮。羈騷裊以服箱，行陂僻而獲志兮。循法度而離殃，惟天地之無窮兮。何遭遇之無常，不



抑操而苟容兮，譬臨河而無航，欲巧笑以干媚  
兮，非余心之所嘗。襲溫恭之黻衣兮，披禮義之  
繡裳。辨貞亮以爲輦兮，雜技藝以爲珎。昭綵藻  
與雕琢兮，璜聲遠而彌長。淹棲遲以恣欲兮，曜  
靈忽其西藏。恃已知而華予兮，鵲鳩鳴而不芳。  
冀一年之三秀兮，道白露之爲霜。時疊疊而代  
序兮，疇可與乎比伉。容妬嫫之難竝兮，想依韓  
以流亡。恐漸冉而無成兮，留則蔽而不彰。心猶  
豫而狐疑兮，卽岐吐而攄情。文君爲我端著兮，



利肥遯以保名，歷衆山以周流兮。翼迅風以揚聲，二女感於崇岳兮。或氷折而不營，天蓋高而爲澤兮。誰云路之不平，酌自強而不息兮。蹈玉階之嶢嶢，懼筮氏之長短兮。鑽東龜以觀禎，遇九臯之介鳥兮。怨素意之不逞，遊塵外而瞥天兮。據冥翳而哀鳴，鵬鶚競於貪婪兮。我修潔以益榮，子有故於玄鳥兮。歸母氏而後甯，占旣吉而無悔兮。簡元辰而俶裝，旦余沐於清源兮。晞余髮於朝陽，漱飛泉之漚液兮。咀石菌之流英。



翺鳥舉而魚躍兮，將徃走乎八荒。過少皞之窮  
野兮，問三邱乎句芒。何道真之溘粹兮，去穢累  
而影輕。登蓬萊而容與兮，鼇雖抃而不領。留瀛  
洲而採芝兮，聊且以乎長生。憑歸雲而遐逝兮，  
夕余宿乎扶桑。翫青岑之玉醴兮，餐沆瀣以爲  
糧。發昔夢於木禾兮，穀崑崙之高岡。朝吾行於  
暘谷兮，從伯禹於稽山。集羣臣之執玉兮，疾防  
風之食言。指長沙以邪徑兮，存重華乎南隣。哀  
二妃之未從兮，翩續處彼湘濱。流目覩乎衡阿



今睹有黎之圯墳痛火正之無懷兮託山陂以  
孤魂愁鬱鬱以慕遠兮越邛州而游遨躋日中  
于昆吾兮憇炎火之所陶揚芒燦而絳天兮水  
泫泫而涌濤溫風翕其增熱兮怒鬱悒其難聊  
顓羈旅而無友兮余安能乎留茲顧金天而歎  
息兮吾欲往乎西嬉前祝融使舉麾兮纚朱鳥  
以承旗躔建木於廣都兮拓若華而踟躕超軒  
轅於西海兮跨汪氏之魚龍聞此國之千歲兮  
曾焉足以娛余思九土之殊風兮從蓐收而遂

徂歆神化而蟬蛻兮，朋精粹而爲徒，蹶白門而  
東馳兮，云台行乎中野，亂弱水之潺湲兮，逗華  
陰之湍渚，號馮夷俾清津兮，櫂龍舟以濟予會  
帝軒之未歸兮，悵相伴而延佇，惻河林之蓁蓁  
兮，偉闕睢之戒女，黃靈詹而訪命兮，繆天道其  
焉如，曰近信而遠疑兮，六籍闕而不書，神遠昧  
其難覆兮，疇克謨而從諸，牛哀病而成虎兮，雖  
逢昆其必噬，鼈令殪而尸亡兮，取蜀禪而引世，  
死生錯而不齊兮，雖司命其不晰，竇號行於代



路兮後膺祚而繁廡王肆侈於漢庭兮卒銜恤  
而絕緒尉尨眉而郎潛兮逮三葉而邁武董弱  
冠而司袞兮設王隧而弗處夫吉凶之相仍兮  
恒反側而靡所穆負天以悅牛兮豎亂叔而幽  
主文斷袪而忌伯兮闔謁賊而甯后逼人闇於  
好惡兮豈昏惑之能剖羸擿讖而戒胡兮備諸  
外而發內或輦賄而違車兮孕行產而爲對慎  
竈顯以言天兮占水火而妄訊梁叟患夫黎邱  
兮丁厥子而事及親所睇而弗識兮矧幽冥之

可信。母綿纒以倖已兮，思百憂以自疚。彼天監之孔明兮，用棐忱而佑仁。湯蠲體以禱祈兮，蒙厯褫以拯人。景三慮以營國兮，熒惑次於宅辰。魏顓亮以從理兮，鬼亢回以倣秦。咎繇邁而種德兮，德樹茂乎英六。桑末寄夫根生兮，卉旣彫而已毓。有無言而不酬兮，又何往而不復。蓋遠迹以飛聲兮，孰謂時之可蓄。仰矯首以遙望兮，冤懃惓而無疇。偪區中之隘陋兮，將北度而宣遊行。積冰之磴磴兮，清泉汨而不流。寒風淒而



永至今、拂穹岫之騷騷、玄武縮於殼中、今騰蛇  
蜿而自糾、魚矜鱗而并凌、今鳥登木而失條、坐  
太陰之屏室、今慨含歆而增愁、怨高陽之相寓  
今、佻顓頊之宅幽、庸織絡於四裔、今斯與彼其  
何瘳、望寒門之絕垠、今縱余綵乎不周、迅飈瀟  
其勝我、今驚翩飄而不禁、越谿澗之洞穴、今漂  
通淵之砾砾、經重陰乎寂寞、今愍墳羊之潛深  
追慌忽於地底、今軼無形而上、浮出石密之間  
野、今不識蹊之所由、速燭龍令執炬、今過鍾山

而中休、瞰瑤谿之赤岸兮、弔祖江之見劉聘王  
母於銀臺兮、羞玉芝以療飢、戴勝慙其旣歡兮、  
又謂余之行遲、載太華之玉女兮、召洛浦之宓  
妃、咸姣麗以蠱媚兮、增嫵眼而蛾眉、舒妙婧之  
纖腰兮、揚雜錯之袿徽、離朱脣而微笑兮、顏的  
皤以遺光、獻環琨與琛綱兮、申厥好以玄黃、雖  
色豔而賂美兮、志浩盪而不嘉、雙材悲於不納  
兮、竝詠詩而清歌、歌曰、天地烟煴、百卉含蘄、鳴  
鶴交頸、睢鳩相和、處子懷春、精覓回移、如何淑



明忘我實多將答賦而不暇兮爰整駕而亟行  
瞻崑崙之巍巍兮臨紫河之洋洋伏靈龜以負  
坻兮亘螭龍之飛梁登閭風之層城兮構不死  
而爲牀屑瑤藥以爲糒兮斟白水以爲漿抨巫  
咸使占夢兮廼貞吉之元筮滋令德於正中兮  
含嘉秀以爲敷旣垂穎而顧本兮爾要思乎故  
居安和靜而隨時兮姑純懿之所廬戒庶寮以  
夙會兮僉恭職而竝迓豐隆軒其震霆兮列缺  
暉其照夜雲師韞以交集兮凍雨沛其灑塗轡

琬輿而樹葩兮，擾應龍以服輅。百神森其備從，  
兮屯騎羅而星布。振余袂而就車兮，修劒揭以  
低昂。冠岌岌其映蓋兮，珮絢纚以輝煌。僕夫儼  
其正策兮，八乘騰而超驤。氛旄溶以天旋兮，蜺  
旌飄而飛揚。撫軫軹而還睨兮，心灼藥其如湯。  
羨上都之赫戲兮，何迷故而不忘。左青瑁以捷  
芝兮，右素威以司鉦。前長離使拂羽兮，委水衡  
乎玄冥。屬箕伯以函風兮，激洪濤而爲清。曳雲  
旗之離離兮，鳴玉鸞之訇訇。涉青霄而升遐兮，



浮蟻蠓而上征、紛翼翼以徐戾兮、焱回回其揚  
靈、叫帝閭使闢扉兮、覲天皇於瓊宮、聆廣樂之  
九奏兮、展洩洩以彤彤、考理亂于律鈞兮、意建  
始而思終、惟盤逸之無斁兮、懼樂往而哀來、素  
女撫弦而餘音兮、大容吟曰、念哉、旣防溢而靜  
志兮、迨我暇以翱翔、出紫宮之肅肅兮、集太微  
之閭閻、命王良掌策駟兮、踰高閣之鏘鏘、建罔  
車之幕幕兮、獵青林之芒芒、轡威弧之撥刺兮、  
射嶓冢之封狼、觀壁壘于北落兮、伐河鼓之磅礴

礪乘天潢之汎汎兮浮雲漢之湯湯倚招搖攝  
提以低回劉流兮察二紀五緯之綢繆邇皇偃  
蹇天矯嫺以連卷兮雜沓叢顙颯以方驤馘汨  
颯戾沛以罔象兮爛漫麗靡藐以迭邇凌驚雷  
之硠礚兮弄狂電之滛裔踰龐瀕于宕冥兮貫  
倒景而高厲廓盪盪其無涯兮乃令窮乎天外  
據開陽而頽盼兮臨舊鄉之暗藹悲離居之勞  
心兮情悵悵而思歸覓眷眷而屢顧兮馬倚輶  
而徘徊雖遨遊以媮樂兮豈愁慕之可懷出閭



闔兮降天塗、乘飈忽兮馳虛無、雲霏霏兮繞余  
輪、風耿耿兮震余旗、繽聯翩兮紛暗曖、倏眩眩  
兮反常閭、收疇昔之逸豫兮、卷滛放之遐心、修  
初服之娑娑兮、長余珮之參參、文章煥以粲爛  
兮、美紛紜以從風、御六藝之珍駕兮、遊道德之  
平林、結典籍而爲罟兮、毆儒墨而爲禽、玩陰陽  
之變化兮、詠雅頌之徽音、嘉曾氏之歸耕兮、慕  
厯陵之欽崙、恭夙夜而不貳兮、固終始之所服  
也、夕惕若厲以省愆兮、懼余身之未勅也、苟中

情之端直兮，莫吾知而不慙。默無爲以凝志兮，  
與仁義乎消搖。不出戶而知天下兮，何必歷遠  
以劬勞。系曰：天長地久，歲不留，俟河之清，祗懷  
憂。願得遠度以自娛，上下無常，窮六區，超踰騰  
躍，絕世俗。颺颺神舉，逞所欲。天不可階，仙夫希  
栢舟悄悄，吝不飛。松喬高跼，孰能離。結精遠遊，  
使心攜廻，志竭來從。玄謀獲我，所求夫何思。

歸田賦

遊都邑以永久，無明畧以佐時。徒臨川以羨魚，



俟河清乎未期、感蔡子之慷慨、從唐生以決疑、  
諒天道之微昧、追漁父以同嬉、超侯塵以遐逝、  
與世事乎長辭、於是仲春令月、時和氣清、原隰  
鬱茂、百草蒞榮、王睢鼓翼、倉庚哀鳴、交頸頡頏、  
關關嚶嚶、於焉逍遙、聊以娛情、爾乃龍吟方澤、  
虎嘯山邱、仰飛纖繳、俯釣長流、觸矢而斃、貪餌  
吞鈞、落雲間之逸禽、懸淵沈之魴鰈、于時曜靈  
俄景、繼以望舒、極盤遊之至樂、雖日夕而忘劬、  
感老氏之遺誠、將廻駕乎蓬廬、彈五絃之妙指、

誅周孔之圖書、揮翰墨以奮藻、陳三皇之軌模、  
苟縱心於域外、安知榮辱之所如、

定情賦

夫何妖女之淑麗、光華豔而秀容、斷當時而呈  
美、冠明匹而無雙、歎曰、大火流兮草蟲鳴、繁霜  
降兮草木零、秋爲期兮時已征、思美人兮愁屏  
營、

扇賦

採茲竹以成扇、乃畫象而造儀、惟規上而矩下、



和承爛以雜施

觀舞賦

客有觀舞於淮南者、美而賦之曰、

音樂陳兮旨酒施、擊靈鼓兮吹參差、叛淫衍兮漫陸離、於是飲者皆醉、日亦旣晏、美人興而將舞、乃修容而改服、襲羅縠之襍錯、申綢繆而自飾、拊者啾其聲列、盤鼓煥以駢羅、抗修衷以翳面、展清聲而長歌、歌曰、驚雄遊兮孤雌翔、臨歸風兮思故鄉、搦纖腰兮互折、嬛傾倚兮低昂、增

芙蓉之紅華兮，光灼爍以發揚。騰嫵目以顧盼兮，盼爛爛以流光。連翩絡繹乍續，乍絕裾似飛。鸞懷如迴雪兮，於是粉黛弛。今玉質粲珠簪，挺兮緇髮亂。然後飾笄整髮，被纖垂榮。同肢駢奏，合體齊聲。進退無差，若影追形。

冢賦

載輿載步，地勢是觀。降此平土，陟彼景山。一升一降，乃以斯安。爾乃隳巍山，平險陸。刊藁林，鑿盤石。超峻壘，構大槩。高岡冠其南，平原承其北。



列石限其壇，羅竹藩其域。系以修墜，洽以溝瀆。曲折相連，迤靡相屬。乃樹靈木，靈木戎戎，繁霜峨峨。匪雕匪琢，周旋顧盼，亦各有行。乃相厥宇，乃立厥堂。直之以繩，正之以日。有覺其材，以構立室。奕奕將將，崇棟廣宇。在冬不涼，在夏不暑。祭祀是居，神明是處。修墜之際，亦有掖門。掖門之西，十步餘半。下有直渠，上有平岸。舟車之道，交通舊館。思淵慮弘，存不忘亡。恢厥廟壇，子孫蒸嘗。宅兆之形，規矩之制。晞而望之，方以麗踐。

而行之巧以廣幽墓既美鬼神既甯降之以福  
如水之平如春之卉如日之升

髑髏賦

張平子將遊目於九埜觀化乎八方星回日運  
鳳舉龍驤南遊赤野北陟幽鄉鹵經昧谷東極  
扶桑於是季秋之辰微風起涼聊回軒駕左翔  
右昂步馬於疇臯逍遙乎陵岡顧見髑髏委於  
路旁下居淤壤上有玄霜平子悵然而問之曰  
子將并糧推命以天逝乎本喪此土流遷來乎



爲是上智、爲是下愚、爲是女人、爲是丈夫、於是  
肅然有靈、但聞神響、不見其形、答曰、吾宋人也、  
姓莊、名周、游心方外、不能自修、壽命終極、來齒  
立邱公子、何以問之、對曰、我欲告之於五岳、禱  
之於神祇、起子素骨、反子四肢、取耳北坎、求目  
南離、使東震獻足、西坤授腹、五內皆還、六神盡  
復、子欲之、不乎、髑髏曰、公子之言、殊難也、死爲  
休息、生爲役勞、冬水之凝、何如春冰之消、榮位  
在身、不亦輕於塵毛、巢許所耻、伯成所逃、況我

已化與道逍遙離朱不能見子綽不能聽堯舜  
不能賞桀紂不能刑虎豹不能害戟劔不能傷  
與陰陽同其流元氣合其朴造化爲父母天墜  
爲牀褥雷電爲鼓扇日月爲燈燭雲漢爲川池  
星宿爲珠玉合體自然無情無欲澄之不清渾  
之不濁不行而至不疾而速於是言卒響絕神  
光除滅顧盼軫恤乃命僕夫假之以縞巾衾之  
以立塵爲之傷涕酌於路濱





誥

東巡誥

惟二月初吉。帝將狩於岱嶽。展義省方。觀民設教。丙寅朏。率群賓。備法駕。以祖于東門。屆于靈宮。是日也。有鳳雙集於臺。壬辰。祀上帝於明堂。帝曰。咨。予不材。爲天地主。慄慄翹翹。百僚萬幾。心之謂矣。孰朕之勞。上帝有靈。不替朕命。誕敢不祗承。凡庶與祭於壇墠之位者。曰懷爾邦君。實願先帝載厥大宗。以左右朕躬。羣臣曰。帝道



橫被。勞行海表。一人有遘。萬民賴之。從巡助祭  
者。茲惟嘉瑞。乃歌曰。皇皇者鳳。通立知時。萃於  
山趾。與帝邀期。吉事有祥。惟漢之祺。帝曰。朕不  
敢當。亦不敢蔽。天之吉命。

疏

大疫上疏

臣竊見京師爲害兼所及民多病死死有減戶  
人人恐懼朝廷焦心以爲至憂臣官在於考變  
禳災思任防救未知所由夙夜征營臣聞國之  
大事在祀祀莫大於郊天奉祖方今道路流言  
僉曰孝安皇帝南巡路崩從駕左右行慝之臣  
欲徵諸國王子故不發喪衣車還宮僞遣大臣  
竝禱請命臣處外官不知其審然尊靈見罔豈



能無怨。且凡夫私小有不蠲。猶爲譴謫。况以太穢。用禮郊廟。孔子曰。曾謂泰山不如林放乎。天地明察。降禍見災。乃其理也。又間者有司正以冬至之後。奏開恭陵神道。陛下至孝。不忍距逆。或發冢移尸。月令仲冬土事無作。慎無發蓋。及起大衆。以固而閉。地氣上泄。是謂發天地之房。諸螫則死。民必疾疫。又隨以喪。厲氣未息。恐其殆此二年。欲使知過改悔。五行傳曰。六沴作見。若時其禦。帝用不差。神則不怒。萬福乃降。用章。

于下臣愚以爲可使公卿處議所以陳術改過、  
取媚神祇。自求多福也。

### 陳事疏

伏惟陛下宜哲克明繼體承天中遭傾覆龍德  
泥蟠今乘雲高躋盤桓天位誠所謂將隆大位  
必先倥偬之也。親履艱難者知下情。備經險易  
者達物僞。故能一貫萬機靡所疑惑百揆允當  
庶績咸熙宜獲福祉神祇受譽黎庶而陰陽未  
和災眚屢見神明幽遠冥鑒在茲福仁禍淫景



響而應。因德降休。乘失致咎。天道雖遠。吉凶可  
見。近世鄭蔡江樊周廣王聖。皆爲效矣。故恭儉  
畏忌。必蒙祉祚。奢淫諂慢。鮮不夷戮。前事不忘。  
後事之師也。夫情勝其性。流遞忘反。豈惟不肖  
中才。皆然。苟非大賢。不能見得。思義故積惡成。  
累罪不可解也。向使能瞻前顧後。援鏡自戒。則  
何陷於凶患乎。貴寵之臣。衆所屬仰。其有愆尤。  
上下知之。褒美譏惡。有心皆同。故怨讟溢乎四  
海。神明降其禍辟也。頃年雨常不足。思求所失。

則洪範所謂僭恒暘若者也。懼群臣奢侈昏踰典式。自下逼上。用速咎徵。又前年京師地震土裂。裂者威分。震者人擾也。君以靜。唱臣以動。和威自上出。不趣於下。禮之政也。竊惟聖思厭倦。制不專已。恩不忍割。與衆共威。威不可分。德不可共。洪範曰。臣有作威作福。玉食害于而家。凶于而國。天鑒孔明。雖踈不失災異示人。前後數矣。而未見所革。以復往悔。自非聖人。不能無過。願陛下思惟所以稽古率舊。勿令刑德八柄。不



由天子。若恩從上下。事依禮制。禮制修則奢僭息。事合宜則無凶咎。然後神望允塞。災消不至矣。

駁圖讖疏

臣聞聖人明審律厯以定吉凶。重之以卜筮。雜之以九宮。經天驗道。本盡于此。或觀星辰逆順。寒燠所由。或察龜策之占。巫覡之言。其所因者。非一術也。立言於前。有徵於後。故智者貴焉。謂之讖書。讖書始出。蓋知之者寡。自漢取秦。用兵

力戰功成業遂。可謂大事。當此之時。莫或稱識。若夏侯勝。眭孟之徒。以道術立名。其所述著。無識一言。劉何父子。領校祕書。閱定九流。亦無識錄。成哀之後。乃始聞之。尚書堯使鯀理洪水。九載績用不成。鯀則殛死。禹乃嗣興。而春秋識云。共工理水。九識皆云。黃帝伐蚩尤。而詩識獨以爲蚩尤敗。然後堯受命。春秋元命苞中。有公輸班與墨翟事。見戰國非春秋時也。又言別有益州。益州之置。在於漢世。其名三輔諸陵。世數可



知。至於圖中。訖於成帝。一卷之書。互異數事。聖  
人。之。言。執。無。若。是。殆。必。虛。僞。之。徒。以。要。世。取。資。  
往者侍中賈逵。擿識互異三十餘事。諸言識者  
皆不能說。至於王莽篡位。漢世大禍。八十篇。何  
爲不戒。則知圖識成於哀平之際也。且河洛六  
藝篇錄已定。後人皮傳無所容。篡。永。元。中。清。河  
宋景遂以歷紀推言水災。而僞稱洞視玉版。或  
者至於棄家業。入山林。後皆無効。而復采前世成事。  
以爲證驗。至於永建復統。則不能知。此皆欺世

罔俗。以昧執位。情偽較然。莫之糾禁。且律歷卦。候九宮風角數。有徵效。世莫肯學。而競稱不占。之書。譬猶畫工惡圖犬馬。而好作鬼魅。誠以實事難形。而虛偽不窮也。宜收藏圖讖。一禁絕之。則朱紫無所眩。典籍無瑕玷矣。

論貢舉疏

古者以賢取士。諸侯歲貢。孝武之代。郡舉孝廉。又有賢良大學之選。於是名臣皆出。文武並興。漢之得人。數路而已。夫書畫辭賦。才之小者。匡



國理政。未有能焉。陛下卽位之初。先訪經術。聽政餘日。觀省篇章。聊以游藝。當代博奕。非以教化。取士之本。而諸生競利。作者鼎沸。其高者頗引經訓風喻之言。下則連偈俗語。有類俳優。或竊成文。虛冒名氏。臣每受詔於盛化門。差錄次第。其未及者。亦復隨輩。皆見拜擢。旣加之恩。難復收改。但守俸祿於義。已加不可復理人。及任州郡。皆孝宣會諸儒於石渠。章帝集學士於白虎。通經釋義。其事優大。文武之道。所宜從之。乃

若小能小善。雖有可觀。孔子以爲致遠則泥。君子故當致其大者遠者也。

### 論舉孝廉疏

汝南謝廉、河南趙建、年始十二、各能通經、尚書、令左雄竝奏、拜童子郎、自是負書來學、雲集京師、侍中張衡上疏、

自初舉孝廉。到今二百年。必先孝行。行有餘力。乃艸文法耳。今詔書一以能誦章句。結奏案爲限。雖有至孝。不當其科。所謂損本而求末者也。自改試以來。果有妖星震裂之菑。是天意不安。



於此法故也

此順帝時

陽嘉二年對策

採通鑑補入

自初舉孝廉、迄今二百歲矣、皆先孝行、行有餘力、始學文灋、辛卯詔書、以能章句奏案爲限、雖有至孝、猶不應科、此棄本而取末、曾子長於孝、然實魯鈍、文學不若游夏、政事不若冉季、今欲使一人兼之、苟外有可觀、內必有闕、則違選舉孝廉之志矣、且郡國守相、剖符甯境、爲國大臣、一旦免黜十有餘人、吏民罷於送迎之役、新故

交際公私放濫或臨政爲百姓所便而以小過免之是爲奪民父母使嗟號也易不遠復論不憚改朋友交接且不宿過况於帝王承天理物以天下爲公者乎中間以來妖星見於上震裂著於下天誠詳矣可爲寒心明者銷禍於未萌今旣見矣脩政恐懼則禍轉爲福矣

### 策

#### 水災對策

水者五行之首滯而逆流者人君之恩不能下



及而教逆也。

表

求合正三史表

臣伏見陛下思光先緒以典籍爲本而史書枝

別條異不同一貫建武以來新裁未就

後漢書註載疏

畧曰易稱宓戲氏王天下宓戲氏沒神農氏作史遷獨載五帝不記神農氏沒黃帝堯舜氏作又一事曰帝系黃帝產青陽三皇今宜并錄又一事曰帝系黃帝產青陽昌意周書曰乃命少皞行清清卽清陽也今宜實之

日蝕上表

今年三月朔方覺日蝕此郡懼有兵患臣愚以



爲可勅北邊須塞郡縣明烽火遠斥候深藏固  
閉無令穀畜外露。

請專事東觀收檢遺文表

臣仰幹史職敢徼官守竊貪成訓自忘頑愚願  
得專於東觀畢力於紀記竭思於補闕俾有漢  
休烈比久長於天地竝光明於日月昭示萬嗣  
永永不朽也。

書

與崔瑗書

乃者與朝賀。明日披讀太玄經。知子雲特極陰陽之數也。以其滿汎故。故時人不務此。非特傳記之屬。心與五經擬。漢家得二百歲。卒乎所以作興者之數。其道必顯。一代常然之符也。玄四百歲其興乎。竭已精思。以揆其義。更使人難論陰陽之事。足下累世窮道極微。子孫必命世不絕。且幅寫一通。藏之以待能者。



又同前

吾觀太玄方知子雲妙極道教。乃與五經相擬。非徒傳記之屬。端力精思以揆其義。使人難論陰陽之事。漢家得天下。二百歲之書也。復二百歲殆將終乎。所以作者之數。必顯一世。常然之符也。漢四百歲立其興矣。

與特進書

蓬萊太史之秘府。道家所貴。衡再得當之。竊爲幸矣。

又

鉛刀強可一割

又

其言之不慙恃惠子之知我

又

酸者不能不苦於言





七

七辯

無爲先生、祖述列仙、背世絕俗、唯誦道篇、形虛  
年衰、志猶不遷、於是七辯謀焉、曰、無爲先生、淹  
在幽隅、藏聲隱景、剡迹窮居、抑其不韙、盍往辯  
諸、乃偕而就之、

虛然子曰、樂國之都、設爲閭館、公輸制匠、譎詭  
煥爛、重屋百層、連閣周漫、應門鏘鏘、華闕雙建、  
彫蟲彫綠、螭虹蜿蜒、於是彈比翼、落鸛黃、加雙



鵬經鴛鴦然後擢雲舫觀中流。擧芙蓉集芳洲。  
縱文身搏潛鱗探水玉拔瓊根收明月之照曜。  
玩赤瑕之璘璣此宮室之麗也。子盍歸而處之  
乎。

安存子曰淮南清歌燕餘材舞列乎前堂。遞奏  
代敘結鄭衛之遺風揚流哇而脉激楚。鞀鼓協  
吹竽籟應律金石合奏妖冶邀會觀者交目衣  
解忘帶於是樂中日晚移卽昏庭美人妖服。變  
曲爲清改賦新詞轉歌流聲此音樂之麗也。子

盍歸而聽諸

闕邱子曰、西施之徒、姿容修嫵、弱顏回植、妍奪  
閑暇、形似削成、腰如約素、淑性窈窕、秀色美艷、  
鬢髮玄髻、光可以鑒、靨輔巧笑、清眸流盼、皓齒  
朱唇、的皪粲練、於是紅華曼理、遺芳酷烈、侍夕  
先生、同茲宴煖、假明蘭燈、指圖觀列、蟬綿宜愧、  
天紹紆折、此女色之麗也、子盍歸而從之、

空桐子曰、交趾緇絺、筒中之紵、京城阿縞、譬之  
蟬羽、製爲時服、以適寒暑、駟秀騏之駸駸、載軫



獵之輜車建采虹之長旃系雌霓而爲旗逸駭  
颺於青邱超廣漢而永逝此輿服之麗也子盍  
歸而乘之

雕華子曰立清白醴蒲萄醲醢嘉肴雜醢三鸞  
七菹荔支黃甘寒梨乾榛沙錫石蜜遠國儲珍  
於是乃有芻豢腍牲麋麇豹胎飛鳧棲鶩養之  
以時審其齊和適其辛酸芳以薑椒拂以桂蘭  
會稽之菰冀野之梁珍羞雜逸灼爍芳香此滋  
缺依衛子曰若夫赤松王喬羨門安期噓吸沆瀣

飲醴茹芝、駕應龍、戴行雲、桴弱水、越炎氛、覽八  
極、度天垠、上游紫宮、下棲崑崙、此神僊之麗也。  
子盍行而求之、先生乃興而言曰、吁美哉、吾子  
之誨、穆如清風、啓乃嘉猷、實慰我心、矯然傾首、  
邪睨玄圃、軒臂矯翼、將飛未舉、

髣無子曰、在我聖皇、躬勞至思、參天兩地、匪怠  
厥司、率由舊章、遵彼前謀、正邪理謬、靡有所疑、  
旁窺八索、仰鏡三墳、講禮習樂、儀則彬彬、是以  
英人底材、不賞而勸、學而不厭、誨而不倦、於是



二八之儔、列乎帝庭、揆事施教、地平天成、然後  
建明堂而班辟雍、和邦國而悅遠人、化明如日、  
下應如神、漢雖舊邦、其政維新、而先生乃翻然  
迴面曰、君子一言、於是觀智、先民有言、談何容  
易、予雖蒙蔽、不敏指趣、敬授教命、敢不務焉、

設難

應間有序附後

有間余者曰。蓋聞前哲首務。務於下學。上達佐國理民。有云爲也。朝有所聞。則夕行之。立功立事。式昭德音。是故伊尹思使君爲堯舜。而民處唐虞。彼豈虛言而已哉。必旌厥素爾。咎單巫咸。實守王家。申伯樊仲。實幹周邦。服袞而朝。介圭作瑞。厥跡不朽。垂烈後昆。不亦丕歟。且學非以要利。而富貴萃之。貴以行令。富以施惠。惠施令



行。故易稱以大業。質以文美。實由華興。器賴雕  
飾爲好。人以輿服爲榮。吾子性德體道。篤信安  
仁。約已博藝。無堅不鑽。以思世路。斯何遠矣。曩  
滯日官。今又原之。雖老氏曲全。進道若退。然行  
亦以需。必也學非所用。術有所仰。故臨川將濟。  
而舟楫不存焉。徒經思天衢。內昭獨智。固合理  
民之式也。故嘗見謗於鄙儒。深厲淺揭。隨時爲  
義。曾何貪於支離。而習其孤技邪。參輪可使自  
轉。木雕猶能獨飛。已垂翅而還故棲。盍亦調其

機而銛諸昔有文王。自求多福。人生在勤。不索何獲。曷若卑體屈已。美言以相剋。鳴于喬木。乃金聲而玉振之。用後勲。雪前吝。倅很。不柔。以意誰靳也。應之曰。是何觀同而見異也。君子不患位之不尊。而患德之不崇。不耻祿之不夥。而耻智之不博。是故藝可學而行可力也。天爵高懸。得之在命。或不速而自懷。或羨旃而不臻。求之無益。故智者偈而不思。貼身以徼幸。固貪夫之所爲。未得而豫喪也。枉尺直尋。議者譏之。盈欲



虧志孰云非羞於心有猜則簋殽饌餽猶不屑  
餐旌簪以之意之無疑則兼金盈百而不嫌辭  
孟軻以之士或解裋褐而襲黼黻或委重築而  
據文軒者度德拜爵量績受祿也輸力致庸受  
必有階渾元初基靈軌未紀吉凶紛錯人用瞳  
朦黃帝爲斯深慘有風后者是焉亮之察三辰  
於上跡禍福乎下經緯厯數然後天步有常則  
風后之爲也當少昊清陽之末實或亂德人神  
雜擾不可方物重黎又相顓頊而申理之日月

卽次則重黎之爲也。人各有能。因莚受任。鳥師  
別名。四叔三正。官無二業。事不竝濟。晝長則宵  
短。日南則景北。天且不堪兼。況以人該之。夫玄  
龍迎夏則陵雲而奮鱗。樂時也。涉冬則涸泥而  
潛蟠。避害也。公旦道行。故制典禮。以尹天下。懼  
教誨之不從。有人之不理。仲尼不遇。故論六經  
以俟來辟。耻一物之不知。有事之無範。所考不  
齊。如何可一。夫戰國交爭。戎車競驅。君若綴旒。  
人無所麗。燭武懸縋。而秦伯退師。魯連係箭。而



聊城弛柝。縱往則合。橫來則離。安危無常。要在  
說夫。咸以得人爲梟。失士爲尤。故樊噲披帷入。  
見高祖。高祖踞洗。以對酈生。當此之會。乃黿鳴。  
而鼃應也。故能同心戮力。勤恤人隱。奄受區夏。  
遂定帝位。皆謀臣之由也。故一介之策。各有攸  
建。子長謀之。爛然有第。夫女魃北而應龍翔。洪  
鼎聲而軍容息。溽暑至而鶉火棲。寒冰涸而黿  
鼉蟄。今也皇澤宣洽。海外混同。萬方億醜。并質  
共劑。若修成之不暇。尚何功之可立。立事有三。

言爲下列下列且不可庶矣奚冀其二哉于茲  
縉紳如雲儒士成林及津者風摠失塗者幽僻  
遭遇難要趨偶爲幸世易俗異事執舛殊不能  
通其變而一度以揆之斯契船而求劒守株而  
伺兔也冒愧逞願必無仁以繼之有道者所不  
履也越王勾踐事此故厥緒不永捷徑邪至我  
不忍以投步干進苟容我不忍以歛肩雖有犀  
舟勁楫猶人涉印否有須者也姑亦奉順敦篤  
守以忠信得之不休不獲不吝不見是而不懼



居下位而不憂。允上德之常服焉。方將帥天老  
而友地典。與之乎高。睨而大談。孔甲且不足慕  
焉。稱殷彭及周聃。與世殊技。固孤是求。子憂朱  
汙曼之無所用。吾恨輪扁之無所教也。子覩木  
雕獨飛。愍我垂翅。故棲。吾感去蠹附鴟。悲爾先  
笑而後號也。斐豹以斃督燔書。禮至以掖國作  
銘。弦高以牛餽退敵。墨翟以縈帶全城。貫高以  
端辭顯義。蘇武以禿節效貞。蒲且以飛矰逞巧。  
詹何以沈鉤致精。奕秋以碁局取譽。王豹以清

謳流聲。僕進不能參名於二立、退又不能羣彼  
數子、愍三墳之旣頽、惜八索之不理、庶前訓之  
可鑽、聊朝聽乎柱史、且韞櫝而待價、踵顏氏以  
行止、曾不慊夫晉楚、敢告誠于知己、

### 應間序

問者觀余去史官五載而復還、非進取之勢也。  
唯衡內識利鈍、搯心不改、或不我知者、以爲失  
志矣。用爲間余。余應之以時有遇否。性命難求。  
因茲以露余誠焉。名之應間云。





議

厯議

延光二年中謁者亶誦言當用甲寅元、河  
南梁豐言當復用太初、尚書郎張衡周  
興皆能厯數、難誦豐或不對、或言失誤  
衡與參案儀註、考往校今、以爲九道、法  
最密、詔下公卿詳議、太尉曄等上侍中  
施延等議、太初過天日一度、弦望失正  
月以晦見西方、食不與天相應、元和改  
從四方、四方雖密於太初、皆不可用、甲  
寅元與天相應、合圖讖、可施行、博士黃  
廣大行令任僉議、如九道、河南尹祉等  
議卽用甲寅元、當除元命包天地開闢  
獲麟中百一十四歲、推閏月六直其日  
或朔晦弦望二十四氣宿度、不相應者  
非、一用九道爲朔月、有比三大二小皆



疏遠元和變厯以應保乾圖三百歲斗  
厯改憲之文四分厯本起圖識最得其  
正不宜易愷等議宜從太初尚書令忠  
上奏諸從太初者徒以世宗襁夷廓境  
享國久長爲辭或云孝章改四分災異  
率甚未有善應臣伏惟漢祖受命因秦  
之紀違於帝典太宗遵修三階以平哀  
平之際同承太初妖孽累仍疴痼非一  
議者不以成數相參汎采妄說歸福太  
初致咎四分漏見曲論未可爲是臣輒  
復重難衡興議云云  
上然其言遂改厯事

五紀論推步行度當時比諸術爲近然猶未稽  
於古及向子歆欲以合春秋橫斷年數損夏益  
周考之表紀差謬數百兩厯相課六千一百五

十六歲。而太初多一日。冬至日直斗。而云在牽牛。迂濶不可復用。昭然如此。史官所共見。非獨衡與前以爲九道密近。今議者以爲有闕。及甲寅元復多違失。皆未可取。正昔仲尼順假馬之名。以崇君之義。况天之厯數。不可任疑。從虛以非易是。



天全山  
山頂有  
石室  
名曰  
天全  
山頂  
有石  
室名  
曰天  
全山  
頂有  
石室  
名曰  
天全  
山頂  
有石  
室名  
曰天  
全山

天全山  
山頂有  
石室  
名曰  
天全  
山頂  
有石  
室名  
曰天  
全山  
頂有  
石室  
名曰  
天全  
山頂  
有石  
室名  
曰天  
全山

天全山  
山頂有  
石室  
名曰  
天全  
山頂  
有石  
室名  
曰天  
全山  
頂有  
石室  
名曰  
天全  
山頂  
有石  
室名  
曰天  
全山

說

渾儀

赤道橫帶渾天之腹去極九十一度十分之五  
黃道斜帶其腹出赤道表裏各二十四度故夏  
至去極六十七度而強冬至去極百一十五度  
亦強也然則黃道斜截赤道者則春分秋分之  
去極也今此春分去極九十少秋分去極九十  
一少者就夏歷景去極之法以爲率也上頭橫  
行第一行者黃道進退之數也本當以銅儀日



月度之。則可知也。以儀一歲乃竟。而中間又有陰雨。難卒成也。是以作小渾。盡赤道黃道。乃各調賦。三百六十五度四分之一。從冬至所在始起。令之相當值也。取北極及衡各誠。極之爲軸。取薄竹篴。穿其兩端。令兩穿中間與渾半等。以貫之。令察之與渾相切摩也。乃從減半起。以爲八十二度八分之五。盡衡減之半焉。又中分其篴。拗去其半。令其半之際。正直與兩端減半相直。令篴半之際。從冬至起。一度一移之。視篴之

半際。夕多黃赤道幾也。其所多少。則進退之數也。從北極數之。則元極之度也。各分赤道黃道爲二十四氣。一氣相去十五度十六分之七。每一氣者黃道進退一度焉。所以然者。黃道直時。去南北極近其處地小而橫行與赤道且等。故以筴度之於赤道多也。設一氣令十六日皆常率四日差少半也。令一氣十五日不能半耳。故使中道三日之中。若少半也。三氣一節。故四十六日而差。今三度也。至於差三之時。而五日同。



率者一。其實節之間。不能四十六日也。今殘日居其策。故五日同率也。其率雖同。先之皆強。後之皆弱。不可勝計。取至於三。而復有進退者。黃道稍斜於橫行。不得度故也。春分秋分。所以退者。黃道始起更斜矣。於橫行不得度故也。亦每一氣一度焉。三氣一節。亦差三度也。至三氣之後。稍遠而直。故橫行得度而稍進也。立春立秋。橫行稍退矣。而度猶云進者。以其所退減其所進。猶有盈餘未盡故也。立夏立冬。橫行稍進矣。

而度猶退者以其所進增其所退猶有不足未  
畢故也。以此論之日行非有進退而以赤道重  
廣黃道使之然也。本二十八宿相去度數以赤  
道爲強耳。故於黃道亦進退也。冬至在斗二十  
一度少半。最遠時也。而此厯斗二十度俱百一  
十五強矣。冬至宜與之同率焉。夏至在井二十  
一度半。強最近時也。而此厯井二十三度俱六  
十七度強矣。夏至宜與之同率焉。

靈憲



昔在先王將步天路用之靈軌尋緒本元先準之於渾體是爲正儀立度而皇極有造建也樞運有造稽也乃建乃稽斯經天常聖人無心因茲以生心故靈憲作興曰太素之前幽清玄滌寂寞冥默不可爲象厥中惟靈厥外惟無如是者永久焉斯謂溟滓蓋乃道之根也道根旣建自無生有太素始萌萌而未兆并氣同色渾沌不分故道志之言云有物渾成先天地生其氣體固未可得而形其遲速固未可得而紀也如

是者。又永久焉。斯謂龐鴻蓋。乃道之幹也。道幹  
既有。有物成體。於是元氣剖判。剛柔始分。清濁  
異位。天成於外。地定於內。天體於陽。故圓以動。  
地體於陰。故平以靜。動以行。施靜以合化。堙鬱  
構精。時育庶類。斯謂太元。蓋乃道之實也。在天  
成象。在地成形。天有九位。地有九域。天有三辰。  
地有三形。有象可效。有形可度。情性萬殊。旁通  
感薄。自然相生。莫之能紀。於是人之精者。作聖  
實始。紀綱而經緯之。八極之維。徑二億三萬二



千三百里。南北則短減千里。東西則廣增千里。自地至天。半於八極。則地之深亦如之。通而度之。則是渾已將覆其數。用重鉤股懸天之景。薄地之義。皆移千里。而差一寸得之。過此而往者。未之或知也。未之或知者。宇宙之謂也。宇之表無極。宙之端無窮。天有兩儀。以儗道中。其可觀。樞星是也。謂之北極在南者。不著。故聖人弗之名焉。其世之遂九二而減二。陽道左廻。故天運左行。有驗於物。則人氣左羸。形左繚也。天以陽。

迴地以陰。溲是故天致其動。稟氣舒光。地致其  
靜。承施候明。天以順動。不失其中。則四序順至。  
寒暑不滅。致生有節。故品物用生。地以靈靜。作  
合承天。清化致養。四時而後育。故品物用成。凡  
至大莫如天。至厚莫若地。地至質者曰地而已。  
至多莫若水。水精爲漢。漢用於天而無列焉。思  
次質也。地有山嶽。以宣其氣。精種爲星星也。者  
體生於地。精成於天。列居錯峙。各有適屬。紫宮  
爲皇極之居。太微爲五帝之廷。明堂之房。大角



有席。天市有坐。蒼龍連蜷於左。白虎猛據於右。朱雀奮翼於前。靈龜圈首於後。黃神軒轅於中。六擾旣畜。而狼。虬。魚。鼈。罔有不具。在野。象。物。在朝。象。官。在。人。象。事。於。是。備。矣。懸。象。著。明。莫。大。乎。日。月。其。徑。當。天。周。七。百。三。十。六。分。之。一。地。廣。二。百。四。十。二。分。之。一。日。者。陽。精。之。宗。積。而。成。鳥。象。鳥。而。有。三。趾。陽。之。類。其。數。奇。月。者。陰。精。之。宗。積。而。成。獸。象。兔。陰。之。類。其。數。耦。其。後。有。憑。焉。者。羿。請。無。死。之。藥。於。西。王。母。姮。娥。竊。之。以。奔。月。將。往。

枚筮之於有黃有黃筮之曰吉。翩翩歸妹。獨將  
西行。逢天晦芒。毋驚毋恐。後其大昌。姮娥遂託  
身於月。是爲蟾蜍。夫日譬猶火。月譬猶水。火則  
外光。水則含景。故月光生於日之所照。鬼生於  
日之所蔽。當日則光盈。就日則光盡也。衆星被  
耀。因水轉光。當日之衝。光常不合者。蔽於地也。  
是謂闇虛。在星。星微。月過則食。日之薄地。其明  
也。繇暗視明明。無所屈。是以望之。若火方於中  
天。天地同明。繇明瞻暗。暗還自奪。故望之。若水。



火當夜而揚光。在晝則不明也。月之於夜。與日同。而差微。星則不然。強弱之差也。衆星列布。其以神著。有五列焉。是爲三十五名。一居中央。謂之北斗。動變挺占。實司主命。四布於方。爲二十八宿。日月運行。厯示吉凶。五緯經次。用告禍福。則天心於是見矣。中外之官常明者。百有二十四。可名者。三百二十。爲星二千五百。而海人之占。未存焉。微星之數。蓋萬一千五百二十。庶物蠢蠢。咸得繫命。不然。何以總而理諸。夫三光同

形有似珠玉。神守精存。麗其職而宣其明。及其  
衰。神歇精斁。於是乎有隕星。然則奔星之所墜  
至。則石。文曜麗乎天。其動者七。日月五星是也。  
周旋右回。天道者貴順也。近天則遲。遠天則速。  
行則屈。屈則留回。留回則逆。逆則遲。迫於天也。  
行遲者。覲于東。覲于東屬陽。行速者。覲于西。覲  
于西屬陰。日與月此配合也。攝提熒惑。地侯見  
晨。附于日也。太白辰星見昏。附于月也。二陰三  
陽。參天兩地。故男女取焉。方星巡鎮。必因常度。



苟或盈縮。不逾于次。故有列司作使。曰老子四星。周伯王逢芮。各一。錯乎五緯之間。其見無期。其行無度。實妖經星之所。然後吉凶宣周。其祥可盡。

靈應

崑崙東南有赤縣之州。風雨有時。寒暑有節。苟非此州。南則多暑。北則多寒。東則多陽。西則多陰。故聖王不處焉。

銘

綬笥銘

有引

南陽太守鮑德有詔所賜先公綬笥傳世用之  
時德更理笥衡時爲德主簿作銘曰

懿矣茲笥爰藏寶珍冠纓組履文章日信皇用  
我賜俾作帝臣服其令服鸞封艾緡天祚明德  
大賚福仁垂光厥世子孫克神厥器維舊中實  
維新周公惟事七涓有隣

贊



南陽文學儒林書贊

南陽太守、上黨鮑君、愍文學之弛廢、懷儒林之  
陵遲、乃命匠修而新之、崇肅肅之儀、揚濟濟之  
化

誄

大司農鮑德誄

昔君烈祖，平顯奕世。敬叔生牙，美管交賴。至于  
中葉，種德以邁。種德伊何，去虛適參。建旄屯留，  
其茂如林。降及我君，總角有聲。遺蒙萬穀，寵祿  
斯丁。守約勤學，克勞其形。濬哲之資，日就月成。  
業業學徒，童蒙求我。含厥往著，去風卽雅。濟濟  
京河，實爲西魯。昔我南都，惟帝舊鄉。同于郡國，  
殊於表章。命親如公，弁冕鳴璜。若惟允之，實耀



其光導以仁惠，教以義方，習射鬻相，饗老虞庠。  
羗髦作虐，艱我西鄰，君斯整旅，耀武月頻，蠢蠢  
戎虜，是懼是震，知德者鮮，惟君克舉，旣厭帝心，  
將處台輔，命有不永，時不我與，天實爲之，孰其  
能禦，股肱或毀，何痛如之，國喪遺愛，如何無思。

司徒呂公誄

昔呂皇祖，帝堯之緒，伯夷秩唐，唐宗允叙，四嶽  
在虞，傅士佐禹，克厭帝心，姓姜氏呂，登是南邦，  
以家以處，降及于周，穆侯作輔，寡于九族，九族

用甯登受八命、來職靡傾、黃耳金鉉、公餽以盈、  
綽兮其寬、皦兮其清、旣明且哲、式保令名、旂旌  
從風、駟牡超驤、去此甯寓、歸于幽堂、立室冥冥、  
修夜彌長、

司空陳公誄

敬仲初育、發繇卜筮、鳳飛觀國、流光末裔、天祚  
明德、德茂于公、入孝出友、爰肅爰邕、兼學多識、  
窮理知幾、德音孔昭、翻爾灰飛、賦政二城、還集  
皇闈、公實省之、亶亶庶績、公實靜之、藹藹百僚、



公實愍之，乃陟司空，纂禹之跡，導揚徽庸，致訓  
京畿，協和萬邦。萬邦既協，殊服來同。耿論前績，  
莫與比蹤。

又

後作鴻臚，職掌九賓。輯甯侯衛，懷柔遠人。

樂府

怨篇

文心雕龍云張衡怨篇清曲可誦

猗猗秋蘭、植彼中阿、有馥其芳、有黃其葩、雖曰幽深、厥美彌嘉、之子之一作云遠我勞如何、

同聲歌

詩譜云寄興高遠遣辭自妙

邂逅承際會、得充君後房、情好新交接、恐慄若探湯、不才勉自竭、賤妾職所當、綢繆主中饋、奉禮助蒸嘗、思為苑翦席、在下蔽匡牀、願為羅衾幬、在上衛風霜、灑掃清枕席、韞芬以狄一作香



重戶結金局。高下華燈光。衣解巾粉卸。列圖陳  
枕張。素女爲我師。儀態盈萬方。衆夫所希見。天  
老教軒皇。樂莫斯夜樂。沒齒焉可忘。

西溪叢語  
云陶淵明

閒情賦必有自乃  
出張衡同聲歌

詩

四愁詩 并序

竹林詩評云張衡四愁遙裏取慕猶風  
騷之遺韻也藝苑卮言云平子四愁干  
古絕唱傅玄擬之致  
不足言大是笑資耳

張衡不樂久處機密出爲河間相能內察屬  
縣姦猾行巧劫皆密知名下吏收捕盡服擒  
諸豪俠遊客悉惶懼逃出境郡中大治爭訟  
息獄無繫囚時天下漸弊鬱鬱不得志爲四  
愁詩效屈原以美人爲君子以珍寶爲仁義



以。水。深。雪。霽。爲。小。人。思。以。道。術。爲。報。貽。於。時。  
君。而。懼。讒。邪。不。得。以。通。其。辭。曰。

一。思。曰。我。所。思。今。在。太。山。欲。往。從。之。梁。父。艱。側。  
身。東。望。涕。沾。翰。美。人。贈。我。金。錯。刀。何。以。報。之。英。  
瓊。瑤。路。遠。莫。致。倚。逍。遙。何。爲。懷。憂。心。煩。勞。

二。思。曰。我。所。思。今。在。桂。林。欲。往。從。之。湘。水。深。側。  
身。南。望。涕。霑。襟。美。人。贈。我。金。

五臣作琴

琅。玕。何。以。報。

之。雙。玉。盤。路。遠。莫。致。倚。惆。悵。何。爲。懷。憂。心。煩。傷。

三。思。曰。我。所。思。今。在。漢。陽。欲。往。從。之。隴。阪。長。側。

身西望涕霑裳。美人贈我貂襜褕。何以報之明月珠。路遠莫致倚踟躕。何爲懷憂心煩紆。四思曰。我所思兮在雁門。欲往從之雪雰雰。側身北望涕霑巾。美人贈我錦繡段。何以報之青玉案。路遠莫致倚增歎。何爲懷憂心煩惋。





本傳

張衡字平子，南陽西鄂人也。世爲著姓，祖父堪，蜀郡太守。衡少善屬文，游於三輔，因入京師，觀大學，遂通五經，貫六藝，雖才高於世，而無驕尚之情，常從容澹靜，不好交接俗人。永元中，舉孝廉，不行，連辟公府不就。時天下承平日久，自王侯以下，莫不踰侈，衡乃擬班固兩都作二京賦，因以諷諫，精思傅會，十年乃成。大將軍鄧騭奇其才，累召不應。衡善機巧，尤致思於天文、陰陽



厯筭常好玄經，謂崔瑗曰：吾觀太玄方知子雲妙極道數，乃與五經相擬，非徒傳記之屬，使人難論陰陽之事。漢家得天下二百歲之書也，復二百歲，殆將終乎？所以作者之數，必顯一世，當然之符也。漢四百歲，玄其興矣。安帝雅聞衡善術學，公車特徵，拜郎中，再遷爲太史令，遂乃研覈陰陽，妙盡璇璣之正，作渾天儀，著靈憲，筭罔論，言甚詳明。順帝初，再轉，復爲太史令，衡不慕當世，所居之官，輒積年不徙，自去史職，五載復

還乃設客問作應間以見其志云陽嘉元年復造候風地動儀以精銅鑄成圓徑八尺合蓋隆起形似酒尊飾以篆文山龜鳥獸之形中有都柱俯行八道施關發機外有八龍首銜銅丸下有蟾蜍張口承之其牙機巧制皆隱在尊中覆蓋周密無際如有地動尊則振龍機發吐丸而蟾蜍銜之振聲激揚伺者因此覺知雖一龍發機而七首不動尋其方面乃知震之所在驗之以事合契若神自書典所記未之有也嘗一龍



機發而地不覺動京師學者咸怪其無徵後數日驛至果地震隴西於是皆服其妙自此以後乃令史官記地動所從方起時政事漸損權移於下衡因上疏陳事初光武善識及顯宗肅宗因祖述焉自中興之後儒者爭學圖緯兼復附以妖言衡以圖緯虛妄非聖人之法又上疏諍之後遷侍中帝引在帷幄諷議左右嘗問衡天下所疾惡者宦官懼其毀已皆共目之衡乃詭對而出閹監恐終爲其患遂共讒之衡常思圖

身之事以爲吉凶倚伏幽微難明乃作思立賦  
以宣寄情志永和初出爲河間相時國王驕奢  
不遵典憲又多豪右共爲不軌衡下車治威嚴  
整法度陰知姦黨名姓一時收禽上下肅然稱  
爲政理視事三年上書乞骸骨徵拜尚書年六  
十二永和四年卒著周官訓詁崔瑗以爲不能  
有異于諸儒也又欲繼孔子易說彖象殘缺者  
竟不能就所著詩賦銘七言靈憲應閔七辯巡  
誥懸圖凡三十二篇永初中謁者僕射劉珍校



書郎劉駒駭等著作東觀撰集漢記因定漢家  
禮儀上言請衡參論其事會並卒而衡常歎息  
欲終成之及爲侍中上疏請得專事東觀收檢  
遺文畢力補綴又條上司馬遷班固所敘與典  
籍不合者十餘事又以爲王莽本傳但應載篡  
事而已至於編年月紀災祥宜爲元后本紀又  
更始居位人無異望光武初爲其將然後卽真  
宜以更始之號建於光武之初書數上竟不聽  
及後之著述多不詳典時人追恨之



論曰崔瑗之稱平子曰數術窮天地制作侔造化斯致可得而言歟推其圍範兩儀天地無所蘊其靈運情機物有生不能參其智故智思引淵微人之上術記曰德成而上藝成而下量斯思也豈夫藝而已哉何德之損乎

贊曰三才理通人靈多蔽近推形筭遠抽深滯不有立慮孰能昭晰

張河間集卷二終



別集

卷之二

亥









